

東華續錄

嘉慶十二

臣王先謙敬編

臣周潤蓆恭校

秋七月乙亥朔再發京倉米二千四百石展賑宛平被災民○丙

子 上步詣 社稷壇謝晴 吳熊光等奏殲斃白晝賊首王鎮

賢得旨嘉獎○庚辰諭此案楊文仲強姦總麻服弟楊文榜之妻

黃氏不從將黃氏毆傷身死刑部因例無明文卽照凡人強姦本

婦立時殺死例定擬斬決但思該犯與楊文榜係總麻兄弟若同

凡人一律定擬未免無所區別楊文仲著卽處斬梟示以昭炯戒

並載入刑部則例○壬午以衡齡爲江西按察使

山鹽道遷

○癸未諭

初彭齡參奏伊桑阿正貽省巡撫任內驕縱勒索各款一摺伊桑

阿前任山西巡撫時卽有斥詈屬員之事是以伊丁憂回京後

皇考不復任以封疆因其尙無臧私劣蹟未予罷斥 命往新疆
辦事上年朕加恩更換回京念其在新疆辦事有年尙無貽誤擢
任刑部侍郎屢次召見伊亦自認從前任性驕暴頗知改悔詞色
醇懇似出真情朕以伊年齒增長且經此番磨鍊自應變化氣質
適貴州巡撫缺出卽加簡放初不料其甫經莅任故態復萌實出
情理之外本年夏間伊桑阿辦理石峴苗匪一案據奏將黔楚首
夥要犯全行擒獲甚爲迅速當卽降旨將伊桑阿交部從優議敘
並特加恩賞嗣琅玕自滇到黔又復集兵進剿將上潮下潮逆巢
掃蕩全境肅清彼時朕猶以琅玕迹涉邀功不復予以甄敘近日
風聞伊桑阿勦辦苗匪僅在銅仁駐紮並未親至石峴軍營聞知
琅玕起身前來卽將常明等攻克石峴作爲親身前往裝點入奏
琅玕由遠赴銅仁途次難民紛紛擁道哭訴琅玕復行帶兵進

勦是伊桑阿前次所奏竟係粉飾虛詞業經降旨令珥珥密行查
奏如果屬實一面奏聞一面傳旨令伊桑阿來京候旨今據初彭
齡所劾伊桑阿各款伊桑阿上年到黔沿途州縣供應不周卽肆
口謾罵並有因州縣辦羊拂意卽行撤回者又將黔撫衙門全行
拆改添造並藉口扣繳養廉用度不足令各府幫貼等事是伊桑
阿不但情性乖張毫無悔改而又加以縱恣勒索等事實屬負恩
昧良試思黔撫衙署若果坍塌不能居住巡撫垣圻到彼何以未
見拆蓋乃伊桑阿初到黔省卽令府縣承辦添造房屋數十間用
銀至六千餘兩之多並未發價非取之屬員而何至伊桑阿藉稱
扣繳養廉令各府幫貼一節前此伊桑阿簡放巡撫時曾自誦將
養廉按年全行扣交朕恐其辦公竭蹶特加恩令其支領一半如
尚不敷用度不妨奏明另行加恩乃伊桑阿竟授意各府令其幫

貼此與富綱之勸派屬員何異至管門家人索取屬員門包亦必
交伊收用伊桑一經到黔卽如此任意苛索又何待將來營私
敗檢貽累地方乎此而不嚴加懲治何以肅吏治而儆官邪伊桑
阿著革職鞫問其雲南巡撫員缺著孫日秉調補卽馳驛赴滇接
印任事此案著交琅玕會同孫日秉將初彭齡所劾各款提集應
訊人證並見辦石硯苗匪節詞入奏一併秉公嚴審定擬具奏○
以常明爲貴州巡撫百齡爲貴州布政使阿禮布爲浙江按察使
由山東濟
東道遷○甲申增建貴州石硯苗地礮卡設屯千總一員並置
石硯汛撥松桃協守備上江協千總各一員兵三百名防守○召
高杞莫瞻萊同京命那彥寶巴甯阿堵築永定河漫口○撥廣東
藩庫兩淮運庫銀各二十萬兩備陝西軍需○勒保奏督同阿哈
保薛大烈痛勦徐逆各股生擒徐添壽王登高等得旨嘉獎賞還

二品頂帶花翎○乙酉命濬京師護城河以工代賑○丙戌禁各省官員私役遣犯○己丑撥部庫及廣儲司庫銀各五十萬兩購永定河工料○庚寅增右安門外賑米○壬辰撥內帑濬紫禁城內外及圓明園各河道○癸巳諭本年京師自六月初旬大雨連縣河水漲發直隸所屬各州縣民田廬舍多半被淹災祲示警朕心深爲兢惕當卽簡派卿員分路查勘諭令一面奏聞一面開賑節降諭旨分別蠲免錢糧截留漕米六十萬石動支庫項十萬兩交熊枚等酌量分撥急賑並於京城附近地方撥發銀錢米石設廠分給又令興工代賑以期安撫窮黎當此窪潦爲災百姓流離失所嗷嗷待哺儻不立時降旨發帑開倉多方拯救其過在朕君既有銀米而地方官經理不善以致惠不逮民則咎在臣下矣本日九卿等議駁御史胡鈞璜和靜條奏一摺胡鈞璜則請令在京

王大臣官員及各廟宇鋪戶等分養災民和靜則奏京師限定賑期曉諭災民早日鄉里伊二人雖主見不同均以各州縣災黎來京就食者多鯁鯁過慮試思各州縣被災百姓如果紛紛赴京就賑必因州縣散賑或侵肥入己或假手吏胥從中冒濫有名無實致百姓不能存活棄家覓食否則人情莫不繫戀鄉土孰肯舍近圖遠假如京師辦賑並不認真則近者必致失所遠處災黎亦豈肯聞風踵至乎該御史等並未將如何辦賑之法悉心條奏其議均不可行和靜摺內詞意向無紕繆無庸置議至胡鈞璜請將被水男婦發給京城內外廟宇及王公大臣官員鋪戶之殷實有力者如雇工之例各處分養則荒唐已甚此等被災男婦令其入廟居住必致男女溷淆若實令王公大臣官員等分撥奉養視如雇工災民必不樂從難保無別滋事端且以待賑之民下儕廝僕與

犯屬發給功臣之家爲奴何異試問前代救荒之策有如此辦理者乎今該御史妄逞臆見以必不可行之事冒昧瀆陳本應照九卿所請交部議處念其究係言官若因所奏失當遽予處分恐有奏事之責者因此心生疑懼緘默不言但似此識見庸陋亦難勝臺諫之任胡鈞璜不必交部議處著斥退御史仍回本衙門以原官補用向來各部院衙門保送御史往往將年老才庸者列名塞責竟以風憲衙門爲投閒置散之地殊屬非是各堂官於屬員中優等出色者自必留於本衙門辦事但亦應將才具稍次明白有識之員慎選保送豈可令衰庸之輩忝居言職致陳奏多屬不經嗣後各衙門保送御史務須認真遴選勿得率意充數自干濫舉之咎○諭熊枚見署督篆駐紮工次陳大文不日卽可抵京熊枚俟陳大文接印後不必留工著卽周歷直隸辦賑各地方詳細查

勘如果地方官有實心辦賑民情留帖者即將該州縣存記以備
升調儻有玩事災務將賑銀米侵牟入己卽當奏明正法卽無
侵牟之事或任聽吏胥中飽致小民不得實惠一經查訪得實亦
應嚴參懲治此事專交熊枚查辦儻稍有徇隱咎無旁貸○乙未
展賑五城災民一月○免順天府甯河等四州縣額賦薊州明年
額賦十分之三直隸天津等二十四州縣額賦青縣等九州縣額
賦十分之五○丙申撥贍東藩庫兩淮運庫銀各二十萬兩備四
川軍需○戊戌年熱河被水災民口糧○撥山西藩庫銀六十萬
兩山東河南藩庫銀各三十萬兩賑甘肅旱災○己亥調和甯爲
戶部左侍郎那彥寶爲工部左侍郎高杞爲兵部左侍郎○
調蔣日綱爲工部右侍郎曾錢法堂事劉躍雲爲工部左侍郎莫
瞻菴爲禮部左侍郎

山工
左調

○辛丑命山東採買米麥十萬石河南

採買小米五萬石備直隸明年平糶○壬寅展賑永定右安門外
災民一月○移陝西國原提督駐漢中府改協標都司爲城守設
提標五營

八月丙午以初彭齡署吏部右侍郎○戊申 上御經筵○己酉
諭前因風聞伊桑阿辦理石峴苗匪一案並未親到軍營督辦僅
在銅川駐紮將常明等攻克石峴作爲親身前往裝點入奏曾降
諭旨令琅玕將伊桑阿辦理草率虛詞入奏之處據實查奏彼時
伊桑阿在黔省巡撫任內驕縱勒索各款尚未敗露嗣據初彭齡
參奏伊桑阿種種劣蹟大半係琅玕告知之語復降旨交琅玕會
同孫日秉嚴審定擬具奏乃本日琅玕覆奏前次誠旨一摺不但
不將伊桑阿劣蹟舉劾而於伊桑阿未曾親往石峴飾詞具奏之
處轉代爲申說據稱伊桑阿因辦理撫恤難民留駐銅仁及將欲

親往軍營而常明已將爲首各犯擒獲伊桑阿卽據以入奏並稱
此事係伊桑阿節次督催俾得及早成功與有意欺飾者情稍有
別是何言耶伊桑阿既駐紮銅仁辦理撫恤事宜未經親往石峴
軍營卽當據實奏明况石峴餘匪並未勦淨伊桑阿竟敢捏稱親
往該處督辦將獲犯賊事緣由徑行馳奏是伊桑阿欺飾之罪已
屬百喙難辭而琅玕又復代爲隱飾此誠何心且伊桑阿在黔劣
款前初彭齡參奏摺內據稱係琅玕自銅仁回滇時在郎岱地方
與初彭齡會晤告知琅玕卽可告知僚友獨不可直陳於君上之
前乎此案若非初彭齡據實奏聞則伊桑阿貪黷營私貽累地方
琅玕竟置之不顧以滿洲大臣且係疊羅又經朕詢問曾不若業
經離任之漢巡撫尙能秉正不阿據實參奏乎看來琅玕總因伊
桑阿前在新疆時參奏伊家人私販玉石一事意存避嫌卽屬徇

私代爲容隱而摺內所稱懷畏悚懼等語皆係敷衍虛詞全不足信矣此次琅玕如果將伊桑阿劣款及辦理苗案欺飾實情一一參劾則前此勦洗石峴苗寨後其攻克上潮下潮逆巢全境肅清皆屬琅玕之功所有伊桑阿前得優敘朕必移給琅玕今如此有心徇庇不但無功可錄並宜立予罷斥姑從寬將琅玕拔去花翎降爲二品頂帶暫留雲貴總督之任仍著嚴行申飭以觀後效儻琅玕於查審伊桑阿貪劣各款仍有不實不盡必當嚴加治罪不能再爲寬貸也○撥部庫及兩淮銀一百五十萬兩於直隸備賑○撥湖南米三萬九千石補陝西軍糈○癸丑緩徵長蘆鹽課十分之五及直隸河南各引地課銀○甲寅諭御史王蘇奏新放江蘇學政平恕請另行簡放或酌量改調一摺內稱平恕前在江蘇斥革生員多名人人切齒卽商賈小民無不痛恨似平恕實有不

公不法之處因令軍機大臣傳到王蘇詢以平恕有無別項劣蹟令其據實直陳旋據王蘇登覆仍不過稱平恕辦理甄輔廷擅責生員一案衆心不服又稱平恕考試生童並無別項劣蹟等語平恕前在江蘇學政任內如果有賄賣生員去取不公等弊該御史當指明據實參奏朕必嚴爲懲辦至其因甄輔廷案內斥革生員多名一事先經照部議鐫職今該御史以業經議結之案仍列彈章並稱或另請簡放或酌量更調試思平恕如不勝學政之任既不宜於江蘇豈復宜於他省若平日並無劣蹟此次復經間用益當顧惜聲名用息浮議固不肯苛刻以斂怨亦不應寬縱以沽名儻平恕約束士子仍不得當或另有案據亦何難將平恕罷斥治罪豈有國家簡任學臣因籍隸本省之御史撫拾前事一經劾奏卽行更換是舉錯之權操之言路勢必如明季科道紛紛訐奏惡

習以何政體乎所有江蘇學政仍著平恕去御史王蘇著交部議

處○釋遣戍伊犁已革巡撫秦承恩命來京候旨○乙卯命編輯

辛酉工賑紀事○除浙江海島遷移民戶棄地額賦○丙辰撥江

西藩庫銀三十萬兩備四川軍需○以多慶爲內閣學士

由太僕寺卿遷

○丁巳命五城所屬災民向不列入大典宛平戶口冊者歸順天府一體予賑○額勒登保奏生擒首逆王士虎冉淦泗等勒保奏

七十五一路官兵在桑樹坪獲劉朝選弟劉清選湯思蛟弟湯步

武均得旨獎資○戊午撥內庫銀一千兩分賞永定右安門外收

養災民各廟僧道○庚申命採買奉天米石儲直隸明年平糶

甲子勒保奏分派鎮將殲勦高魏股匪生擒首逆冉學勝等得旨

獎資賞還一品頂戴封三等男爵○乙丑 孝淑皇后升祔 奉

先殿命 皇次子行禮○以三省大功將戴德盛京兵歸伍○己

東華續錄

嘉慶十二

七

已以汪日聲爲江甯布政使

山大理寺少卿遷

○癸酉諭前據經略額勒

登保參贊德楞泰先後參奏倭什布在巡撫任內辦理糧餉種種貽誤以致官兵等勒索百姓搶掠糧食並聞於賑濟飢民一事張大其詞多有不實又補放官員有伊家人與辦事屬員通同舞弊各等語當經降旨將倭什布革職拏問解京交軍機大臣會同刑部嚴訊倭什布逐條登答惟自認辦理不善其餘堅不承認是以節次降旨交吳熊光詳查具奏茲據吳熊光奏查明倭什布款蹟一摺朕詳加披閱如楚省兵丁追勦竄匪分合無定倭什布運送餉銀不能設法趕運積有尾欠其支給滿漢各營餉項並無照經略等酌定章程辦理所給未免浮多並於製備軍裝軍火等事不知緩急致形缺乏又上年所截漕糧原以備兵米之用倭什布並不運送襄鄆轉解房竹迨大兵入境倉卒趕運多糜腳價仍復緩

不濟急又上年倭什布奏報縣鄉難民二十餘萬內有各回本籍
民人並非全係待賑之人倭什布並不分別查察率行入奏實屬
張大其詞以上各款尚無貪婪欺詐及縱容家人舞弊之處其經
理軍需不能妥協以致多有貽誤並於飢民數目奏報不實自當
治以應得之罪著軍機大臣會同刑部卽查照吳熊光摺內所列
款蹟將倭什布按例定擬具奏尋議請將倭什布發往軍臺效力
得旨賞倭什布七品筆帖式頂戴發交陸有仁令充當苦差○撥
江西廣東藩庫銀各二十萬兩備陝西軍需○予故休致刑部尚
書梁肯堂祭

九月乙亥朔召達慶來京調和甯爲倉場侍郎英和爲戶部左侍
郎扎郎阿爲禮部左侍郎以恩普爲禮部右侍郎

由右副都御史遷

○甲

申 上閱健銳營兵○左都御史馮光熊卒予祭○以熊枚爲左

都御史轉祖之望爲刑部左侍郎以初彭齡爲刑部右侍郎○己丑命續修大清會典○甲午譚軍機大臣等此時額勒登保已帶兵前往川北一帶該處尙有李彬等股分竄勦保已馳赴川東惟賊匪雖已截回川境仍恐其乘間折回目前陝境防堵最關緊要慶成係陝省提督大員自應在陝堵勦不必令其赴川此路陝省邊界一切防堵事宜卽實成慶成慶成鴻實刀防堵○乙未永定河二十三號壩工合龍○戊戌諭本日明安奏前赴馬家堡查勘油場民舍情形一摺該處因永定河二十三號壩工堵台後大溜全注北上頭工水勢湍激衝油村舍明安已派參將奇成額將馬家堡迤西淤灘一段趕緊挑挖俾水勢宜洩歸河所辦本是朕披閱時已依議發下而本日召見諸臣內未及明安旋據奏事太監王進福奏稱明安遞摺時向伊告知若本日未蒙召見卽代奏稱伊

尙有圖樣進呈等語此不過欲請面對耳明安既有圖樣何難隨摺呈遞伊前此曾因奏事將圖樣另置懷中於召對時呈出非止一次本日未經召見之前豫屬奏事太監臨時代爲陳奏是明安之意必欲朕召伊獨對而後已此誠何心豈非以和珅自居乎朕每日召見臣僚多至十餘人諮詢利弊講求政治從不稍形厭倦而惟於自請獨對一事力爲杜絕者蓋因請見之弊不可勝數雖所奏亦不過尋常事件而即可藉此以炫其台注之隆甚且飾詞誇耀捏稱在上前無不可進之言遂至無識之徒爲其所愚爭相趨奉勢焰熏灼賄賂盈門皆由於此從前和珅福長安柄用其初亦尙知小心後因該班獨對習以爲常漸致納賄營私無所不至朕在青宮時卽洞悉此弊是以親政後將該班召見晚面槩行停止並節次降旨嚴禁大臣等不得自請獨對明安當不知之乃竟